

## ՀԱՇՎԵՏՎՈՒԹՅՈՒՆ

**ՀՀ արդարադատության նախարարի տեղակալ Վիգեն Քոչարյանի՝ Բելգիայի Թագավորություն (Բրյուսել) գործուղման արդյունքների վերաբերյալ**

**Գործուղված պաշտոնատար անձ՝ Վիգեն Քոչարյան:**

**Գործուղված անձի զբաղեցրած պաշտոնը՝** ՀՀ արդարադատության նախարարի տեղակալ:

**Գործուղման վայրը և ժամկետները՝** Բելգիայի Թագավորություն (Բրյուսել), 2018թ. նոյեմբերի 26-28-ը:

**Հրավիրող կողմը՝** Եվրոպական հանձնաժողովի հարևանության և ընդլայնման հարցերով բանակցությունների գլխավոր տնօրինություն և ԵՄ արտաքին գործողությունների ծառայություն:

**Գործուղման նպատակը՝** Մասնակցություն Օրենքի գերակայության հարցերով ԱլԳ 4-րդ հարթակի հանդիպմանը:

**Քննարկված թեմաները՝** Օրենքի գերակայության հարցերով ԱլԳ հարթակի շրջանակում քննարկվել են ԱլԳ երկրներում արդարադատության բարեփոխումներին և դրանց՝ ԵՄ աջակցության հեռանկարներին առնչվող հարցեր:

**Հանդիպումները, ելույթները, բարձրացված կամ քննարկված հարցերը՝**

Եվրոպական հանձնաժողովի հարևանության և ընդլայնման հարցերով բանակցությունների գլխավոր տնօրինության և ԵՄ արտաքին գործողությունների ծառայության հրավերով ՀՀ արդարադատության նախարարի տեղակալ Վիգեն Քոչարյանը 2018թ. թվականի նոյեմբերի 26-ից 28-ը Բելգիայի Թագավորությունում (Բրյուսել) մասնակցել է Օրենքի գերակայության հարցերով ԱլԳ հարթակի հանդիպմանը:

Օրենքի գերակայության հարցերով ԱլԳ հարթակի շրջանակում քննարկվել են ԱլԳ երկրներում արդարադատության բարեփոխումներին և դրանց՝ ԵՄ աջակցության հեռանկարներին առնչվող հարցեր: Մասնավորապես, քննարկվել են պետական մարմինների համակարգում դատախազության տեղի և դերի, դատախազության անկախության և հաշվետվողականության երաշխավորման ու

դատախազների նշանակման և առաջխաղացման թափանցիկությանը վերաբերող հարցեր:

Հանդիպման ընթացքում անդրադարձ է կատարվել նաև արդարադատության անկախության, որակի և արդյունավետության հետ կապված հիմնահարցերին:

Օրենքի գերկայության հարթակի հանդիպման հիմնական նպատակն է եղել Արևելյան գործընկերության 6 երկրներում՝ Հայաստանի Հանրապետությունում, Ադրբեջանի Հանրապետությունում, Բելառուսի Հանրապետությունում, Վրաստանում, Մոլդովայում և Ուկրանիայում աջակցել արդարադատության բարեփոխումներին:

Օրենքի գերկայության հարթակի հանդիպմանը ՀՀ արդարադատության նախարարի տեղակալ Վիգեն Քոչարյանը ներկայացրել է ՀՀ-ում դատաիրավական բարեփոխումների ոլորտում տեղի ունեցող վերջին զարգացումները, ինչպես նաև այս ոլորտում Եվրոպական միության հետ ձեռք բերված պայմանավորվածություններն ու հետագա քայլերը՝ միաժամանակ շեշտադրելով Հարևանության և ընդլայնման հարցերով բանակցությունների գլխավոր տնօրինության և ԵՄ արտաքին գործողությունների ծառայության հնարավոր աջակցության տրամադրումը: Այս համատեքստում ՀՀ արդարադատության նախարարի տեղակալը տեղեկացրել է, որ ՀՀ արդարադատության նախարարության կողմից մշակման փուլում է գտնվում 2019-2024թթ. Դատական և իրավական բարեփոխումների ռազմավարությունը և դրանից բխող գործողությունների ծրագիրը՝ նշելով, որ ՀՀ արդարադատության նախարարի պաշտոնակատարի հրամանով ստեղծվել է Իրավական և դատական բարեփոխումների 2019-2024թթ. ռազմավարությունը և դրանից բխող գործողությունների ծրագիրը մշակող աշխատանքային խումբ:

Նշվել է նաև, որ արդարադատության ոլորտում բարեփոխումների վերաբերյալ ԵՄ-ՀՀ բազմակողմ քաղաքական երկխոսության հիմնական նպատակն է ՀՀ իշխանությանը արդարադատության ընդհանուր կառուցվածքի և գործունեության ոլորտի բարեփոխումների իրականացման գործում աջակցելը, ինչն էլ իր հերթին կհանգեցնի արդարադատության ոլորտի արդյունավետ

կառավարմանը՝ Համապարփակ և ընդլայնված գործընկերության համաձայնագրի (ՀԸԳՀ) շրջանակներում ՀՀ ստանձնած պարտավորությունների համապատասխան, ինչպես նաև հաշվի առնելով ոլորտային կարիքները և ֆինանսական հնարավորությունները:

Միևնույն ժամանակ, ԱԳ հարթակի հանդիպման ընթացքում անդրադարձ է կատարվել նաև Եվրոպական հանձնաժողովի և Արտաքին գործողությունների եվրոպական ծառայության կողմից համատեղ պատրաստված 20 արդյունք մինչև 2020թ. փաստաթղթին: Ներկայացվել է նաև վերը նշված փաստաթղթի՝ ՀՀ արդարադատության նախարարության իրավասությանն առնչվող միջոցառումների իրականացման ընթացքը:

Հարկ է նաև նշել, որ վերը նշված ԱԳ հարթակի հանդիպմանը մասնակցել են ՀՀ գլխավոր դատախազի տեղակալ Դավիթ Մելքոնյանը և ՀՀ արդարադատության նախարարության միջազգային իրավական համագործակցության վարչության պետ Տիգրան Գրիգորյանը:

Օրենքի գերակայության հարցերով ԱԳ հարթակի հանդիպման ավարտին ԵՄ ներկայացուցիչները վերահաստատել են իրենց պատրաստակամությունը աջակցելու ՀՀ-ում դատաիրավական բարեփոխումների ծրագրի մշակմանը և դրա արդյունավետ իրականացմանը:

**ՀՀ ԱՐԴԱՐԱԴԱՏՈՒԹՅԱՆ ՆԱԽԱՐԱՐԻ  
ՏԵՂԱԿԱԼ**



**ՎԻԳԵՆ ՔՈՉԱՐՅԱՆ**

**30.11.2018թ.**